

Hs. 2, 68<sup>a</sup>

## VON DER BUCHFULL.

- Hende vnd fuesse begonden straffen  
 Den pauch. sye da zue ym sprachen:  
 Du vil bodemloser wanst,  
 5 Daz du so vil verzern kanst!  
 Der pauch sprach: wez zeyhet ir mich?  
 Waz ir wölt, daz tven ich.  
 Sye sprachen: du salt arbeit haben  
 Oder du muest hunger tragen.
- Hs. 2, 68<sup>a</sup> Er sprach: mein arbeit ist so groß,  
 Daz ich byn der marter genoß,  
 Vnd fült mich fruewe vnd spat.  
 Ir habent mein keyn genade  
 Vnd stoßent jn mich allen tag,
- 15 Alz der da füllet einen follen sack.  
 Sye sprachen: daz wirt vns sawr.  
 So bystu gar eyn gepawr,  
 Waz wir leiden vmb dich smerczen,  
 So kanstu anders nit, dan liegen vnd ferczen;
- 20 Da von wir dir nit lenger porgen,  
 Du must vmb dein balkspeyse nu fürbaz sorgen.  
 Die glieder sich an namen,  
 Daz sie dem pauch kein speise nit gaben.  
 Da der pauch dez enpfant,
- 25 Daz ym wieder fueß noch hant  
 Nicht mer zue traten  
 Noch keynerley guet daten,  
 Er begonde ruffen sere:

1. Derselbe viel behandelte stoff kehrt wieder in Rollenhagens Froschmäsler s. 77 der ausgabe von Gustav Schwab. Tübingen, 1819. 8.

Ich eße aber gern mere.

Dye hende kerten sich nicht dran.

Da dem pauch keyn hilffe kwam,

Anderwert schrey er also:

5 Ich mag nymmer wesen froe,

Man wolle mir dann speyse geben,

Oder ich mag nit lenger geleben.

Sye sprachen: du böser fullepauch,

Werestu noch eyns so gar eyn sluch

10 Vnd soltestu dar vmb sterben,  
Dir mag von vns keyn speyse werden.

Da sie dem pauch nicht zessen gaben,

Da vertarp die nature dez magen.

Hs. 2, 69 Da ym die krafft engangen waz,

15 Dye glieder begunden entzeben daz

Vnd hetten gern den pauch gespeist.

Sein nature waz also verweist,

Daz er die speyse nicht mocht verzeren

Vnd die glieder ernerren.

20 Sye muessen alle gar verderben

Vnd mit dem pauch zue mal sterben.

Hye bey mögen wir erkennen wol,

Waz yemant zue recht tuen sol,

Daz er da wieder nit sol streben

25 Oder ez mueß schaden seinem leben;

Wan wer allewege vnrecht tuet,

Dez ende wirt gar selten guet.